



# Շաբաթաթերթ

www.police.am www.police.am www.police.am www.police.am www.police.am www.police.am www.police.am www.police.am

## Աշխատանքային խորհրդակցություն ոստիկանությունում

Հոկտեմբերի 19-ին տեղի ունեցավ ոստիկանության ընդլայնված կոլեգիայի նիստը, որի ընթացքում ամփոփվեցին ոստիկանության ծառայությունների եւ տարածքային մարմինների 2019 թվականի ինը ամիսների օպերատիվ-ծառայողական գործունեության արդյունքները:

Նիստը վարում էր ոստիկանության պետի ժամանակավոր պաշտոնակատար Արման Սարգսյանը: Մասնակցում էին ոստիկանության կոլեգիայի անդամները, կենտրոնական ապարատի, մարզային եւ տարածքային ստորաբաժանումների ղեկավարները:

Մինչ օրակարգին անցնելը նիստի մասնակիցները մեկ րոպե լռությամբ հարգեցին ծառայողական պարտականությունները կատարելիս զոհված Տիգրան Առաքելյանի հիշատակը: Այ-

նուկետե Արման Սարգսյանը, ծառայողական պարտականությունները կատարելիս կյանքին վտանգ սպառնացող պայմաններում խիզախություն եւ անձնագոհություն ցուցաբերելու համար, «Ոստիկանությունում գերազանց ծառայության համար» կրծքանշան հանձնեց ՊՊԳՎ Արաբկիրի պահպանության բաժնի ոստիկան Արմեն Դավթյանին:



2019 թվականի ինը ամիսների օպերատիվ-ծառայողական գործունեության արդյունքները ներկայացրեց ոստիկանության շտաբի պետ Արմեն Դուկասյանը:

Ձեկուցողը նշեց, որ ոստիկանությունը, ընդհանուր առմամբ, կատարել է իր առջեւ դրված խնդիրները, օրենքով վերապահված լիազորությունների շրջանակներում վերահսկել է հանրապետությունում օպերատիվ իրավիճակը՝ պահպանելով կայուն հասարակական կարգն ու անվտանգությունը:

Ըստ վիճակագրական տվյալների՝ 2019 թվականի ինը ամիսների ընթացքում գրանցված հանցագործությունների ընդհանուր թվաքանակն աճել է 6,7%-ով կամ 1.192 դեպքով (2018 թ. 9 ամիս՝ 17.673, 2019 թ. 9 ամիս՝ 18.865):

## 64-ամյա կնոջ սպանությունը բացահայտվեց

Հոկտեմբերի 22-ի գիշերը ոստիկանության էրեբունու բաժնի հաղորդում ստացվեց, որ Վարդաշենի 2-րդ փողոցի շենքերից մեկում սպանություն է եղել: Դեպքի վայր մեկնած ոստիկանության ու քննչական կոմիտեի աշխատակիցները հիշյալ բնակարանում հայտնաբերեցին 64-ամյա տանտիրուհու դին: Դիակի զննությամբ մարմնին հայտնաբերվեցին կտրած-ծակած բազմաթիվ վնասվածքներ:

Հարուցվեց քրեական գործ: Ոստիկանության եւ քննչական կոմիտեի ծառայողները ձեռնարկեցին ծավալուն օպերատիվ-հետախուզական միջոցառումներ ու քննչական գործողություններ: Համագործակցված աշխատանքի շնորհիվ պարզվեց սպանությունը կատարելու մեջ կասկածվողի ինքնությունը: Երեւանի բնակիչ, 46-ամյա տղամարդը բացատրական աշխատանքի շնորհիվ հոկտեմբերի 23-ին ներկայացավ ոստիկանության էրեբունու բաժնի:

Նախաքննությունը շարունակվում է:



## Բացահայտվել է կոռուպցիոն հանցագործություն

Ոստիկանության ԿՅԴՊ գլխավոր վարչության ծառայողները պարզել են, որ Կոտայքի մարզի Մրգաշեն համայնքի նախկին ղեկավարը, օգտագործելով պաշտոնն է ա կ ա ն դիրքը, 2015-2018 թթ. ընթացքում կայացրել է որոշումներ՝ Մրգաշենի մի շարք բնակիչների անվամբ, որպես սոցիալապես անապահով անձանց, Հայրենական, Արցախյան, ապրիլյան քառօրյա պատերազմների մասնակիցների, զոհված ազատամարտիկների ընտանիքների, ազատամարտիկների, նաեւ «Վերջին զանգի» տոնակատարության ու Ամանորի առթիվ դրամական օգնություններ տրամադրելու մասին, որոնց հիման վրա համայնքապետարանի բյուջեի ծախսերից ելքագրելով, այս պահին քննությանը հայտնի տվյալներով՝ մոտ 4 միլիոն 350 հազար դրամ, եւ



կեղծելով գումարը ստացող անձանց ստորագրությունները՝ յուրացրել է մոտ 3 միլիոն 380 հազար դրամ:

Բացի այդ, 2019 թ. հոկտեմբերի 10-ին ոստիկանության ԿՅԴՊ գլխավոր վարչությունում մի քաղաքացուց հաղորդում է ստացվել, որ 2008 թ. վերջին Մրգաշեն համայնքի նախկին ղեկավարը համայնքային սեփականություն հանդիսացող բնակելի կառուցապատման նշանակության հողատարածքն իրեն օտարելու համար որպես կաշառք պահանջել է 2000 դոլար, որից 1.700-ը նա տվել է 2009 թ. հոկտեմբերին, իսկ 170 հազար դրամը՝ դեկտեմբերին: Սակայն համայնքի նախկին ղեկավարը չի կատարել խոստումը, նաեւ չի վերադարձրել գումարը:

Հարուցվել է քրեական գործ:

## Վնաս էր պատճառվել պետությանը

Ոստիկանության ԿՅԴՊ գլխավոր վարչությունում ԳՂ կադաստրի կոմիտեի պաշտոնատար անձանց խախտումների վերաբերյալ տեղեկություններ էին ստացվել: Ձեռնարկված միջոցառումներով պարզվել է, որ, ըստ այս պահին հայտնի տվյալների՝ անշարժ գույքի կադաստրային գնահատման եւ համակարգված դիտարկումների վարչության պաշտոնատար անձինք բնակավայրերի բազմաբնակարան շենքերի բնակարանների ու հողամասերի գների, հասարակական նշանակության անշարժ գույքի միջին շուկայական վարձավճարի համակարգված դիտարկումներ անցկացնելու համապատասխան բաժնի ուժերով գործառույթը կատարելու փոխարեն ձեռնարկել ու իրականացրել են նշված աշխատանքների գնման գործընթաց: Հաղթած ընկերության հետ 2018 թ. մարտի 6-ին կնքվել է 38 միլիոն 720 հազար դրամի պայմանագիր: Դրա շրջանում, պատվիրատուի տրամադրած տեղեկատվության հիման վրա ընկերությունը ընդամենը կատարելով վերլուծություններ կայացրել է աշխատանքների կատարման հանձնման-ընդունման ակտեր, որոնց հիման վրա ընկերությանը փոխանցվել է 15 միլիոն 488 հազար դրամ: Հետագայում գործարքի ակնհայտ անշահավետ լինելու պատճառով 2018 թ. հունիսի 25-ին պայմանագիրը լուծարվել է: Արդյունքում պետությանը պատճառվել է առանձնապես խոշոր չափի նյութական վնաս, որն առաջացրել է ծանր հետեւանքներ:

Հարուցվել է քրեական գործ:



## Չարաշահումներ մարզադպրոցում

Ոստիկանության ԿՅԴՊ գլխավոր վարչության ծառայողները, Շիրակի մարզային վարչության եւ Մուշի բաժնի քրեական հետախույզների հետ համատեղ, Գյումրիում կոռուպցիոն բնույթի առեւտույթ հանցագործության դեպք են բացահայտել:

Իրավապահները պարզել են, որ Գյումրիի աթլետիկայի մանկապատանեկան մարզադպրոցի տնօրենը, ըստ քննությանը ձեռք բերված նախնական տվյալների, 2009-2019 թթ. ընթացքում, օգտագործելով պաշտոնական դիրքը, վեց քաղաքացու, ունանց՝ մարզիչ, ունանց որպես հավաքարար է հրամանագրել, այդ թվում իր որդուն ու կնոջը, որոնք փաստացի չեն ներկայացրել աշխատանքի, սակայն նրանց անվամբ դուրս գրված մոտ 30 միլիոն դրամ կազմող աշխատավարձերը յուրացվել է:

Նախաքննությունը շարունակվում է:



## Ապօրինի «նավագնացություն»

Ոստիկանության ԿՅԴՊ գլխավոր վարչությունում նախապատրաստված նյութերով փաստական տվյալներ են ձեռք բերվել, որ արտակարգ իրավիճակների նախարարության «Հիդրոօդերևութաբանության եւ մթնոլորտային երևույթների վրա ակտիվ ներգործության ծառայություն» ՊՈԱԿ-ի տնօրենը, չարաշահելով պաշտոնական լիազորությունները, 2016-2018 թթ. մայիսից սեպտեմբեր ամիսներին որոշ անձանց թույլատրել է ՊՈԱԿ-ի հաշվեկշռում գտնվող նավը օգտագործել որպես զբոսանավ, եւ առանց պետական գրանցման իրականացվել է ապօրինի ձեռնարկատիրական գործունեություն:

Ըստ այս պահին քննությանը հայտնի տվյալների՝ զբոսաշրջիկների համար Սեւանա լճում կազմակերպված նավագնացությունների արդյունքում հավաքագրել են ընդհանուր 15 միլիոն դրամ:

Հարուցվել է քրեական գործ:



**Չարաշահումներ Գլխիցանում**

**Չարաշահումների հետեւանքով քաղաքապետարանին 73 միլիոն դրամից ավելի նյութական վնաս էր պատճառվել:**

ԷԶ 3

**«Հարազատական» կապեր**

**Շարունակեց մարել պարտքը՝ եղբոր վախից չակնարկելով անգամ տան վաճառքից վերցրած փողի մասին:**

ԷԶ 6

**Հանցավորության կանխարգելում**

**Մարդը բնությունից չար չի ծնվում, այլ այդպիսին դառնում է սխալ դաստիարակության հետեւանքով:**

ԷԶ 6

# Աշխատանքային խորհրդակցություն ոստիկանությունում

## Սկիզբ է դրել

Հանցագործությունների աճը գլխավորապես պայմանավորված է գողությունների, հատկապես՝ ոչ մեծ ծանրության (աճ՝ 645-ով), եւ ճանապարհային երթեւեկության կանոնները խախտելու (աճ՝ 165-ով) դեպքերի թվի աճով:

Չնայած հանցագործությունների թվի որոշակի աճին՝ պետք է փաստել, որ 2019թ. 9 ամիսների ընթացքում իրականացված լայնածավալ օպերատիվ-կանխարգելիչ միջոցառումների արդյունքում էականորեն՝ շուրջ հինգ անգամ, կրճատվել է դրա տեմպը (2019 թ. հունվար՝ 35,3%, սեպտեմբեր՝ 6,7%):

Դեպքերի աճը կարելի է պայմանավորել նաեւ այն հանգամանքով, որ դեռեւս նախորդ տարվանից, կապված իրավիճակի փոփոխության հետ, բարձրացել է բաղադրարկների վստահությունը ոստիկանության գործունեության նկատմամբ, եւ նրանք չեն խուսափում դիմել ոստիկանություն. եթե 2018 թ. 9 ամիսների ընթացքում ոստիկանության ստորաբաժանումներ ստացվել էր ամբողջական հանցագործության մասին 147.780 հաղորդում, ապա 2019 թ. 9 ամիսների ընթացքում դրանց թիվն աճել է 29.721-ով կամ 20,1%-ով, կազմելով 177.501):

Հանցավորության ընդհանուր կառուցվածքում շարունակվել է մարդու դեմ ուղղված հանցագործությունների տեսակարար կշռի նվազման միտումը (21,3%-ից 16,8%): Փոխարենը՝ նկատելի աճ է արձանագրվել սեփականու-

թյան դեմ ուղղված հանցագործությունների տեսակարար կշռում (45,9%-ից 50,6%): Մանր հանցագործություններով բացահայտման արդյունավետությունը կազմում է 37,8%, առանձնապես ծանր հանցագործություններով՝ 56,8%:

Ըստ հիմնական հանցատեսակների՝ բացահայտման աշխատանքների արդյունավետությունն ամենաբարձրն է պատկերը հետեւյալն է՝ սպանություններով՝ 69,6%, դիտավորությանը առողջ ու թյանը վնաս պատճառելու դեպքերով՝ 83,8%, այդ թվում՝ ծանր՝ 75,2%, ճանապարհային երթեւեկության կանոնների խախտման՝ 83,7%, այդ թվում՝ մահվան ելքով՝ 68,8%, զենքի կամ որպես զենք օգտագործվող առարկայի գործարարմամբ կատարված խուլիգանության՝ 65,9%, ավազակության՝ 80,0%, տրանսպորտային միջոց փախցնելու դեպքերով՝ 77,5%:

Համեմատաբար ցածր արդյունավետություն է գրանցվել խուլիգանության՝ 55,2%, կողոպուտի՝ 58,5%, գողության՝ 44,2%, այդ թվում՝ բնակարանային՝ 23,2%, յուրացման կամ վատման՝ 58,8% դեպքերով:

Հայտնաբերվել է թմրամիջոց-

ների իրացման 340 դեպք, ընդ որում՝ 12-ով աճել են առանձնապես խոշոր չափերի թմրամիջոցների իրացման բացահայտման դեպքերը:

Հայտնաբերվել է կոռուպցիոն բնույթի հանցագործության 931 դեպք, որոնցից 255-ը կաշառա-

ռուների ժամանակ:

Անդրադառնալով ճանապարհային երթեւեկության անվտանգությանը՝ նշվեց, որ հաշվետու ժամանակահատվածում արձանագրվել է 3444 ճանապարհատրանսպորտային պատահար, ինչի հետեւանքով զոհվել է 253 եւ մարմնական վնասվածքներ ստացել 4.959 մարդ:

Ամփոփելով կոլեկտիվի նիստը՝ ոստիկանության պետի ժամանակակից պաշտոնակատար Արգիշտի Արգիշտիան անդրադարձավ ներկայացված վիճակագրությանն ու մի շարք խնդիրների:

Հաշվի առնելով ոստիկանի ծառայության վտանգավորությունը՝ Արման Սարգսյանը հանձնարարեց առանձնահատուկ ուշադրություն դարձնել անձնակազմի ֆիզիկական ու մարտական պատրաստականությանը:

Առանձնապես կարեւորվեցին տեղերում բարոյահոգեբանական առողջ մթնոլորտը, միջանձնային ու գործընկերային հարաբերությունները: Ստորաբաժանումների պետերին հանձնարարվեց անձնակազմին ծանրաբեռնել ըստ օպերատիվ անհրաժեշտության՝ գնահատելով տարածքի օպերատիվ իրավիճակն ու հանցագործությունների դինա-

միկան:

Անդրադառնալով առանձին ծառայություններում առկա բացթողումներին ու կարգապահական խնդիրներին՝ Արման Սարգսյանը ընդգծեց՝ համակարգում պետք է լինեն միայն այնպիսի մարդիկ, որոնք իրենց ծառայությամբ պատիվ են բերում ոստիկանությանը:

Հանձնարարվեց նաեւ ընդլայնել սերտ համագործակցությունը իրավապահ մյուս կառույցների հետ:

Անդրադառնալով ճանապարհային երթեւեկության անվտանգությանը՝ Արման Սարգսյանը հանձնարարեց անհանդուրժող լինել յուրաքանչյուր կոպիտ խախտման նկատմամբ՝ ընդգծելով, որ յուրաքանչյուր նման խախտում կարող է կյանք արժենալ, եւ խախտումների արձանագրումն ու համարժեք գնահատականի արժանացնելը նախնադաս վարորդի, ուղեւորների ու հետիոտնի կյանքի եւ առողջության պահպանմանն է ուղղված:

Ոստիկանության պետի ժամանակավոր պաշտոնակատար Արման Սարգսյանը հույս հայտնեց, որ ոստիկանության բոլոր ծառայությունները կշարունակեն հետեւողական աշխատանքը՝ հանցավորության դեմ պայքարն առավել արդյունավետ կազմակերպելու, կարգապահական ու ծառայողական կարգապահությունն ամրապնդելու ուղղությամբ՝ ի նպաստ օրենքի, ի նպաստ Հայաստանի Հանրապետության:

Հասմիկ ՊՊՊՈՍՅԱՆ

## Վարորդը սպանության փորձի մեղադրանքով կալանավորվել է

Հոկտեմբերի 3-ի գիշերը Նոր Խարբերդի Կենտրոնական փողոցից «Էրեբունի» բժշկական կենտրոն էին տեղափոխվել 35 եւ 20 տարեկան տղամարդ: Նրանց վրաների ենթարկված վարորդը, «Օպել»-ը թողնելով դեպքի վայրում, հեռացել էր:

Մեքենան տեղափոխվեց ճանապարհային ոստիկանության պահպանվող հատուկ տարածք: Ոստիկանության Շենգավիթի բաժնի քրեական հետախույզները օպերատիվ-հետախուզական միջոցառումների շնորհիվ պարզեցին վարորդի ինքնությունը եւ դեպքի վերաբերյալ որոշ հանգամանքներ:

«Օպել»-ի 30-ամյա վարորդն ու վրա-

երթի ենթարկված անձինք դեպքից մի քանի րոպե առաջ վիճել էին, իրար ծե-



ծել: Միջադեպից հետո վարորդը իր «Օպել»-ով, կյանքից զրկելու դիտավորությամբ, վրաների էր ենթարկել Նոր Խարբերդի Կենտրոնական փողոցում

հավաքված մի խումբ անձանց:

Դեպքի առթիվ տարածքային քննչական բաժնում քրեական գործ հարուցվեց՝ երկու կամ ավելի անձանց սպանության փորձի ու խուլիգանության հատկանիշներով:

Նտագա միջոցառումներով Շենգավիթի քրեական հետախույզները հայտնաբերեցին «Օպել»-ի վարորդին ու կանխաձեռնեցին բերման ենթարկեցին բաժին: Նոր Խարբերդի բնակիչը ներկայացվեց դեպքի նախաքննությունը վարող մարմնին:

Նա կալանավորվել ու տեղափոխվել է քրեակատարողական հիմնարկ: Նախաքննությունը շարունակվում է:

տղամարդ: Նա եւս մեքենայից ոստիկաններին ներկայացրեց սուբուտեքսի կտորներ:

Օպերատիվ-հետախուզական միջոցառումների արդյունքում ոստիկանները նոր տեղեկություններ ստացան, որ բերման ենթարկված տղամարդիկ թմրամիջոցը ձեռք են բերել նույն անձից: Երեւանի բնակիչ, 44-ամյա տղամարդը նույնպես հայտնաբերվեց եւ, թմրամիջոց իրացնելու կասկածանքով, բերման ենթարկվեց: Նրա բնակարանի խուզարկությամբ հայտնաբերվեցին կանեփի թփեր: Նա կալանավորվել է:

Օպերատիվ-քննչական միջոցառումները շարունակվում են:

Մարտուն ՄԻՄՈՆՅԱՆ

## Բացահայտվել է կողոպուտի դեպք



Հոկտեմբերի 3-ին ոստիկանության Կենտրոնական բաժնում հարգորդում էր ստացվել, որ ժամը 20.00-ին անհայտ անձը Արամի փողոցի սրճարաններից մեկի սեղանից բացահայտ

հաիշարակել է դրամապանակ, որի մեջ եղել է փող, վարորդական իրավունքի վկայական, օտցիպական եւ բանկային քարտեր:

Դեպքի վայր մեկնած ոստիկանները փուտոլից հաղորդում են ընդունել՝ նրան պարճառվել էր շուրջ 120 հազար դրամի նյութական վնաս:

Փաստի առթիվ հոկտեմբերի 9-ին հարուցվել էր քրեական գործ:

Հանցագործությունը բացահայտելու ուղղությամբ Կենտրոնականի քրեական հետախույզների ձեռնարկված միջոցառումների շնորհիվ հոկտեմբերի 14-ին փվյալներ են ստացվել, որ արարքը հնարավոր է կատարած լինի Սարի թաղի 22-ամյա բնակիչը: Նույն օրը նա հայտնաբերվել է Նոր Արեշի 8-րդ փողոցում եւ, կողոպուտ կատարելու կասկածանքով, բերման ենթարկվել:

Նա փվել է խուսրովանական ցուցմունք:

Ձեռնարկվում են միջոցառումներ գողունը հայտնաբերելու ուղղությամբ:

Կատարվում է նախաքննություն:

Էրիկ ԱՍՏՎԱԾԱՏՅԱՆ

## Թմրամիջոց-իրացնողը հայտնաբերվեց



Ոստիկանության Երեւան քաղաքի վարչության քրեական հետախուզության բաժնի թմրամիջոցների ամօրինական շրջանառության դեմ պայքարի բա-

ժամնունքի ծառայողները, իրացնելով օպերատիվ տվյալները, Մալաթիայի բաժնի գործընկերների հետ Բաբաջանյան փողոցում հայտնաբերեցին ու կասկածանքով բերման ենթարկեցին 50-ամյա մի տղամարդու: Նա իր «Մերսեդես»-ի սրահից ոստիկաններին ներկայացրեց սուբուտեքսի դեղահաբեր ու մարիխուանա:

Օպերատիվ միջոցառումները շարունակվեցին: Արդյունքում Շենգավիթ վարչական շրջանում հայտնաբերվեց ու, «Մերսեդես» մակնիշի մեքենայով հանդերձ, բերման ենթարկվեց 38-ամյա մի

«Օ2»-ի օպերատիվ իրապարակումները վերջնական ճշմարտության հավակնություն չունեն, իսկ դեպքերը ներկայացվում են անմեղության կանխավարկածի եւ նախաքննության շահերի պահպանման տեսանկյունից: Վերջնական դատարանի օրինական ուժի մեջ մտած դատավճիռն է:

Աշխարհի եւ ոչ մի երկիր չի կարող վստահ ասել, որ ապահովագրված է կոռուպցիայից: Ցանկացած երկրում կոռուպցիոն ուսուցիչը սկզբնական արդյունավետ միջոցներից են համարվում պետական մարմինների ծառայողների գործունեության հրապարակայնությունը, պետական եւ տեղական ինքնակառավարման մարմինների ծառայողների կողմից, կարգապահական եւ էթիկական նորմերի հսկողությամբ, իրենց պարտականությունները բարեխիղճ կատարելը:

Բազմաթիվ երկրներում օրենքներ են ընդունել, որոնց պահպանումը յուրաքանչյուր պաշտոնյայի համար կարելի է անհրաժեշտ պայման է:

Շատ երկրների օրենսդրություններ պաշտոնյաներին արգելում են զբաղվել վճարովի այլ գործունեությամբ, որոշակի խմբի պաշտոնյաներ իրավունք չունեն անդամակցել քաղաքական կազմակերպություններին, ծառայողական տեղեկատվությունն օգտագործել սեփական շահերի համար, նվերներ ստանալ, պաշտոնյան իրավունք չունի նաեւ ֆինանսական հետաքրքրություններ ունենալ այն ընկերություններում, որոնց հետ առնչվում է ծառայությունից ելնելով:

Որոշ երկրների քրեական օրենսգրքերով կաշառակերության հողվածները տարածվում են բոլոր քաղաքացիներին, ոչ միայն պետական պաշտոններ զբաղեցնողների վրա:

Ներկայումս գրեթե բոլոր երկրների օրենքները կոռուպցիոն դրսեւորումները դիտում են որպես քրեորեն պատժելի արարք եւ ոչ միայն հետեւողական պայքար են տանում կոռուպցիոն դրսեւորումների դեմ, այլեւ ծրագրեր են մշակվում պայքարն առավել արդյունավետ դարձնելու համար:

Մասնավորապես պետք է ստեղծել այնպիսի պայմաններ, որոնք կոռուպցիայի դեմ պայքարն անընդհատ կպահեն ուշադրության կենտրոնում: Անհ-

րաժեշտ է հասարակությանը պարբերաբար տեղեկացնել բացահայտումների, դատավարությունների մասին: Շարքային քաղաքացին պետք է հասկանա, որ կոռուպցիայի վերացումը առաջին հերթին բխում է իր շահերից: Պետք է կոտրել անպատժելիության կարծրատիպը, որը հասարակու-

## Կոռուպցիան մեր կյանքում



թյունը վարակում է անկարողության եւ թուլության զգացողությամբ: Հասարակությունը հաճախ կորցնում է հույսը կոռուպցիայի դեմ պայքարում: Անհրաժեշտ է այնպես անել, որ անպատժելիության գաղափարը հերքվի, հակառակ դեպքում կոռուպցիայի դեմ պայքարը լուրջ չի ընկալվի:

Ոչինչ հասարակության վստահությունն այնպես չի խորտակում, ինչպես համոզվածությունը, որ հակակոռուպցիոն պայքարն ուղղված է միայն «ձկնիկների» դեմ: Փորձը վկայում է, որ կոռուպցիոն պայքարը կհաղթանակի այն դեպքում, եթե կարողանան բռնել «խոշոր ձկներին»: Նրանց անհրաժեշտ է հայտնաբերել եւ պատժել ոչ միայն որպես կաշառակերների, այլեւ

հասարակության հավատը վերականգնելու համար:

Հակակոռուպցիոն մարտավարությունը պահանջում է վերլուծել կոռուպցիայի ընդունված ձևերը եւ դրանց վերացման ուղղությամբ սահմանել նոր կանոններ: Երբեմն հենց որոշ օրենքներ են կոռուպցիայի հիմք դառնում: Նոր օրենքներ ու կանոններ անհրաժեշտ են այն դեպքում, եթե դրանք փոխում են ազդակներն ու խթանները, նվազեցնում իշխանության մոնոպոլիան, բացառում կամ սահմանափակում են իրավունքները, ուժեղացնում տեղեկատվական հոսքը:

Համակարգված կոռուպցիայի գոյության պայմաններում պայքարի ոչ մի գործողություն նշանակություն չի ունենա, եթե չփոխվի տեղեկատվական միջավայրը: Դրան հասնելու լավագույն միջոցը բնակչության եւ իշխանության միջեւ կապի պահպանումն է: Անհրաժեշտ է լայնորեն օգտագործել ՉԼՍ-ների գործունեությունը: Լրատվամիջոցների ուշադրության կենտրոնում պետք է լինի յուրաքանչյուր դեպք եւ արարք:

Վերջապես, հակակոռուպցիոն պայքարի կարեւորագույն պայմանն այն է, որ ամբողջ բնակչությունը՝ շարքային քաղաքացուց մինչեւ իշխանության գլուխ կանգնած անձինք, քաղաքական կամք դրսեւորեն այդ գործընթացում: Առանց իշխանության եւ ժողովրդի համատեղ կործողությունների՝ վերին ասվածքը վրձն թղթի վրա, կդառնա թղթե օրենք:

Որքան էլ իշխանությունը միջոցներ ու ջանք ներդնի կոռուպցիայի դեմ պայքարում, եթե ժողովուրդը չհավատա եւ օգնության ձեռք չնետնի, եւ հակառակը, եթե հասարակությունն ամեն ինչ անի, իսկ իշխանությունները կամք չդրսեւորեն ու չաջակցեն, պայքարը կոռուպցիա կոչվող սոցիալական հիվանդության դեմ դատապարտված է անհաջողության:

Հ. Պ.

## Բաղրամյանի ոստիկանները բացահայտում են



Հոկտեմբերի 4-ին ոստիկանության Բաղրամյանի բաժնում հաղորդում էր ստացվել, որ Քարակերտ գյուղի տներից մեկից գողություն է կատարվել:

Դեպքի վայր մեկնած օպերատիվ խումբը պարզեց, որ դանակով պատռել

էին տան երկրորդ հարկի նմանաբանակում դրված ճամպուրկը եւ գողացել դուրս ու դրամ:

Բաղրամյանի բաժնի քրեական հետախույզներից մի քանի ժամ պահանջվեց կատարվածի հանգամանքները պարզելու եւ հանցագործությունը կատարելու մեջ կասկածվող անձանց հայտնաբերելու համար: Նրանք բերման ենթարկվեցին բաժնի ու խուզարկվեցին: Գողացված գումարի մի մասը հայտնաբերվեց:

Բերման ենթարկվածները ներկայացվել են դեպքի նախաքննությունը վարող մարմնին: Նախաքննությունը շարունակվում է:

## Վեցյալի հետազոտ

Ոստիկանության Ճամբարակի բաժնի քրեական հետախույզները, իրացնելով սրացած օպերատիվ փոխազդեցությունները, հոկտեմբերի 10-ին բերման են ենթարկել Շորժա գյուղում ապրող 26-ամյա մի երիտասարդի: Ըստ փորձաքննությունների՝ նա նախկինում գողություններ էր արել:




Ձեռնարկված օպերատիվ-հետախուզական միջոցառումներով պարզվեց, որ երիտասարդը 2014 թվականի սեպտեմբերին մտել էր Դրախտիկ գյուղի փնտրից մեկն ու կահույք գողացել: Պարզվել է նաեւ, որ 2015 թվականին, դարձյալ Դրախտիկում, մեկ այլ առանձնապուր իր մտել էւ հափշտակել բենզադոզ:

Տուժողներից հաղորդում է ընդունվել: Ձեռնարկվում են միջոցառումներ գողոնը հայտնաբերելու ուղղությամբ:

Դեպքերի առթիվ ոստիկանության Ճամբարակի բաժնում նյութեր են նախապատրաստվում:

Մարտուն ՄԻՄՈՆՅԱՆ

## Չարաշահումներ Դիլիջանում



Ոստիկանության ԿՀԳՊ գլխավոր վարչության կոռուպցիայի եւ տնտեսական գործունեության դեմ ուղղված հանցագործությունների հակազդման վարչության ծառայողները, օպերատիվ տեղեկությունների հիման վրա, Դիլիջանի բաժնի ծառայողների հետ համատեղ փաստական տվյալներ են ձեռք բերել, որ Դիլիջանի քաղաքապետն օգտագործելով պաշտոնական դիրքը՝ Դիլիջանի նախկին «բաղուվետի» բազմաթիվ շենքում տարբեր հիմունքներով տարածքներ զբաղեցրած պետական գերատեսչությունների եւ այլ տնտեսվարողների խնդրանքով՝ նշված շենքը վերանորոգելու պատրվակով 2006 թ. փետրվարի 28-ի որոշմամբ հայտարարել է շուկայականից անհամեմատ ցածր՝ տարեկան, այս պահին բնությանը հայտնի տվյալներով, մոտ 1 միլիոն 300 հազար դրամ մեկնարկային գնով, 40 տարի ժամկե-

տով շենքը վարձակալությամբ տրամադրելու աճուրդ՝ մասնակիցների կողմից շենքի կապիտալ վերանորոգման ծրագիր ներկայացնելու եւ իրականացնելու պարտադիր պայմանով:

Այնուհետեւ քաղաքապետը, ըստ նախնական տվյալների, համաձայնության գալով քաղաքապետարանի ֆինանսական բաժնի պետի հետ՝ աճուրդից երեսուց օր առաջ նրա դստեր անվամբ հիմնադրված սահմանափակ պատասխանատվությամբ ընկերությունն աճուրդում հաղթող ճանաչելու նպատակով կազմակերպել են ձեւական աճուրդ, որի շրջանակներում ֆինանսական բաժնի պետը, աճուրդին իբրեւ երկրորդ ընկերության մասնակցությունն ապահովելու համար, նախօրոք պայմանավորվածություն է ձեռք բերել ծանոթ մեկ այլ ընկերության հիմնադիր տնօրենի հետ՝ առաջարկելով ստորագրել եւ կնքել աճուրդի անցկացմանը հայտ ներկայացնելու եւ մասնակցելու վերաբերյալ կեղծ փաստաթղթերը, վաչա հանձնաժողովի անդամների օժանդակությամբ պաշտոնական փաստաթղթերում ակնհայտ կեղծ տեղեկություններ մտցնելով՝ մրցութավարի փոխարեն կեղծ ստորագրությամբ կազմել ու հաստատել են աճուրդի նիստ անցկացնելու վերաբերյալ պաշտոնական փաստաթղթեր,

որոնց հիման վրա էլ 2006 թ. ապրիլի 28-ին կնքված առուվաճառքի պայմանագրով՝ անշարժ գույքը տարեկան, այս պահին բնությանը հայտնի տվյալներով՝ մոտ 1 միլիոն 400 հազար դրամով 40 տարի վարձակալության իրավունքով, հանձնել են քաղաքապետարանի ֆինանսական բաժնի պետի աղջկա անվամբ հիմնադրված ընկերությանը:

Դրանից հետո քաղաքապետը պաշտոնական դիրքը ծառայության շահերին հակառակ օգտագործելով, նշված ընկերության կողմից պայմանագրով նախատեսված հիշյալ շենքի վերանորոգման համար որեւէ ներդրում չկատարելու պայմաններում, չի վերանայել կամ լուծել համայնքի համար ակնհայտ անշահավետ, տարիներ շարունակ գործած վարձակալության պայմանագիրը, որի արդյունքում համայնքային սեփականություն հանդիսացող տարածքների ենթավարձակալներից 2006 թվականի հունիսի 30-ից մինչեւ 2018 թվականի սեպտեմբերի 26-ը, բնությանը այս պահին հայտնի տվյալներով՝ հավաքագրված ընդհանուր մոտ 88 միլիոն 800 հազար դրամից քաղաքապետարանի բյուջե է փոխանցվել մոտ 15 միլիոն 600 հազար դրամ, ինչի հետեւանքով քաղաքապետարանին շուրջ 73 միլիոն 200 հազար դրամի նյութական վնաս է պատճառվել:

Դարուցվել է քրեական գործ: Գոռ ՎԱՆՅԱՆ

## Շենգավիթի ոստիկանների բացահայտումները



Ոստիկանության Շենգավիթի բաժնում տեղեկություններ էին ստացվել, որ Ներքին Շենգավիթի 11-րդ փողոցի 29-ամյա մի բնակիչ վարչական տարածքում գողություններ է անում: Ձեռք բերված տեղեկությունների իսկությունը ստուգելուց հետո, սեպտեմբերի 27-ին քրեական հետախույզները Ներքին Շենգավիթի 11-րդ փողոցի մի բնակարանից կասկածվողին բերման ենթարկեցին:

Նա խոստովանեց, որ սեպտեմբերի 25-ին գողացել է Եղիշե Թաղետոսյան փողոցում կայանված «ՎԱԶ-2106» մակնիշի մեքենայի մարտկոցը:

Հետագա միջոցառումներով ոստիկանները պարզեցին նաեւ, որ կասկածվողը մեկ ամիս առաջ, օգտվելով Ներքին Շենգավիթի 11-րդ փողոցի արհեստանոցի դուռը բաց լինելու հանգամանքից, փող էր գողացել:

Գողության դեպքերով նախապատրաստվում են նյութեր:

«02»-ի օպերատիվ հրապարակումները վերջնական ճշմարտության հավակնություն չունեն, իսկ դեպքերը ներկայացվում են անմեղության կանխավարկածի եւ նախաքննության շահերի պահպանման տեսանկյունից: Վերջնական դատարանի օրինական ուժի մեջ մտած դատավճիռն է:







### Օպերատիվ

**Քրեական օրենսգրքի 132.2 հոդվածը քարտեզի վրա օրենսդրության նորոգման հետ կապված օրենսդրության նորոգման և նախատեսված շահագործման նպատակով երեխային, հոգեկան խանգարման հետեւանքով իր արարքի բնույթն ու նշանակությունն ամբողջությամբ կամ մասամբ գիտակցելու կամ դա ղեկավարելու հնարավորությունից զրկված անձին հավաքագրելու, տեղափոխելու, փոխանցելու, թաքցնելու, ինչպես եւ այդպիսի անձանց շահագործելու կամ շահագործման վիճակի մեջ դնելու, պահելու համար:**  
**Օրենքի նախատեսած պատիժը բավական խիստ է՝ յոթից տասը տարի ժամկետով ազատազրկում՝ գույքի բռնագրավմամբ, որոշակի պաշտոններ զբաղեցնելու կամ որոշակի գործունեությամբ զբաղվելու իրավունքից առավելագույնը երեք տարով զրկելով:**

**Պատիժն առավել խիստ է, եթե նույն արարքը կատարվել է երկու կամ ավելի անձանց նկատմամբ, պաշտոնական դիրքն օգտագործելով, մի խումբ անձանց կողմից նախնական համաձայնությամբ, բռնություն գործադրելով կամ առեւտրային միջոցով: Այս դեպքերում պատիժը տասից տասներկու տարի ժամկետով ազատազրկումն է:**

Ներկայացվող քրեական գործում քույրը տուժողն է, եղբայրը՝ Ներսես Մինասյանը, մեղադրյալը: Ներսեսը միակ մեղադրյալը չէ. նա կնոջ՝ Անահիտի հետ է մուրացկանության դրդել անչափահաս զարմիկներին ու տնօրինել մուրացկանությամբ հավաքված փողը:

Հոր մահից հետո երեքսեյական քննարարները ժառանգություն մնաց Ներ-

սեսին ու քրոջը՝ Մարիամին: 1998 թվականին Ներսեսը կնոջ ու երեխաների հետ մեկնեց Ռուսաստան: Տասը տարի անց՝ Կրասնոդարի երկրամասում: Հայաստան վերադարձան 2008 թվականին: Հայրական տանը քույրը տնավորվել էր ընտանիքով՝ ամուսնու եւ չորս երեխա-

## «Հայրապետական» կառույց



ների հետ: Նույն հարկի տակ տեղավորվեց նաեւ Ներսեսի ընտանիքը: Բայց այդպես երկար ապրել չէին կարող, ուստի քույր ու եղբայր համաձայնության եկան բնակարանը վաճառելու, ամեն մեկն իր մասնաբաժինը վերցնելու եւ ինքնուրույն ապրելու հարցում:

Քարոզանոց տուն էր. վաճառեցին տասնհինգ հազար դոլարով: Պարտք յոթ հազար դոլարը նախապես տվեց. մնացածը տալու էր սեփականության վկայականն ստանալուց հետո: Բայց որոշակի հարցերով պայմանավորված՝ սեփականաշնորհման գործընթացը ձգձգվում էր, ինչի պատճառով գնորդը հրաժարվեց տունը գնելու մտքից ու պահանջեց վերադարձնել յոթ հազար դոլարը:

Բայց որտեղի՞ց. Ներսեսը չորս հազար դոլարով բնակարանի հետ կապված վճարումներ էր կատարել, երեք հազար դո-

լարն էլ քրոջ հետ կիսել, ծախսել էին: Հինգ հարյուր դոլար՝ ընդամենը այդքան կարողացավ վերադարձնել. մնացածը խոստացավ տալ բնակարանը վաճառելուց հետո:

Բնակարանը վաճառելու գործը ձգձգվում էր, եւ Ներսեսը չստացված գնորդի հետ պայման կապեց՝ պարտքը մաս-մաս կվճարի Մարիամը: Մինչ այդ՝ համաձայնության եկավ օրավարձով աշխատող քրոջ հետ. օրը երեք հազար դրամով մարել պարտքը: Մարիամը, որ տարբեր տեղերում հավաքարարություն անելով օրը հինգ հազար դրամ էր աշխատում, ամեն օր պարտաճանաչ մարում էր պարտքը:

Իսկ այդ ընթացքում բնակարանի համար նոր գնորդ հայտնվեց: Ներսեսը տասնհինգ հազար դոլար վերցրեց, բայց մտքով չանցկացրեց այդ փողից տալ պարտքի մնացած մասը եւ քրոջն ազատել ծանր հոգսից: Մարիամը շարունակեց մարել պարտքը՝ եղբոր վախից ակնարկ անգամ չանելով տան վաճառքից վերցրած փողի մասին...

Բնակարանը նոր տեր ուներ, եւ Ներսեսի ու Մարիամի ընտանիքները տեղափոխվեցին հարեւանությամբ գտնվող տնակներ:

Քանի որ քրոջը շահագործելն այդքան հեշտ էր, Ներսեսը որոշեց ընդլայնել սահմանները: Կնոջ՝ Անահիտի հետ խելք խելքի տվեցին ու որոշեցին Մարիամի երեխաներին ուղարկել փող մուրալու, մանավանդ, որ նրանք մուրացկանության փորձ ունեին:

Ներսես եւ Անահիտ Մինասյանների գործունեությունը բացահայտեցին ոստիկանության աշխատակիցները:

Նախաքննությունն ավարտվել է: Քրեական գործը մեղադրական եզրակացությամբ, ուղարկվել է դատաքննության: **Հասմիկ ՊՈՂՈՍՅԱՆ**

## Ծառահատումներ են բացահայտվել



Ոստիկանության ճամբարակի բաժնի ծառայողները ապօրինի ծառահատումները կանխելու եւ բացահայտելու նպատակով օրերս իրականացրել են ուժեղացված ծառայություն: Արդյունքում բաժնի սպասարկման տարածքի տարբեր մասերում հայտնաբերվել են բաժնի պահպանվող հատուկ տարածք են տեղափոխվել չորս տրանսպորտային միջոց, որոնք բարձրագույնը են եղել 10 խմ ավելի փայտանյութով: Վարորդները բեռի օրինակառնությունը հավաստող փաստաթղթեր չեն ներկայացրել:

Ապօրինի ծառահատումների հանցանքները պարզելու նպատակով ոստիկանության ճամբարակի բաժնում նյութեր են նախապատրաստվում:

Հոկտեմբերի 14-ին ոստիկանության Նոյեմբերյանի բաժնի աշխատակիցները ապօրինի ծառահատման դեպքերը կանխելու եւ բացահայտելու նպատակով ուժեղացված ծառայություն իրականացրին: Բաժնի հատուկ պահպանվող տարածք տեղափոխվեց «ՈւԱԶ» մակնիշի երկու ավտոմեքենա, որոնք բարձրագույնը են 3 խմ փայտանյութով: Վարորդները բեռի օրինակառնությունը հավաստող դրեւէ փաստաթուղթ չեն ներկայացրել:

Փաստով ոստիկանության Նոյեմբերյանի բաժնում նյութեր են նախապատրաստվում:

## Նայտաբերվածը գտնվել էր



ՀՀ ոստիկանության ԿԳՊ գլխավոր վարչության թմրամիջոցների անօրինական շրջանառության դեմ պայքարի վարչության եւ ԱՄՍ աշխատակիցները, իրացնելով ստացված օպերատիվ տվյալները, հոկտեմբերի 10-ին մայրաքաղաքի Նալբանդյան փողոցում հայտնաբերեցին ու ոստիկանության Կենտրոնական բաժնի բերման ենթարկեցին երեւանի բնակիչ, 29-ամյա մի երիտասարդի: Կասկածանքը՝ մաքսանեղ ճանապարհով ապօրինի թմրամիջոց նայաստան ներկրելը, պահելը, օգտագործելն ու իրացնելն էր:

Բերման ենթարկվածի անձնական խուզարկությամբ հայտնաբերվեցին տարբեր դեղահաբեր, կոկաինի նմանվող զանգված, մեթամֆետամին:

Պեպի առթիվ հարուցվել է քրեական գործ: Օպերատիվ-քննչական միջոցառումները շարունակվում են:

**Մարտուն ՍԻՄՈՆՅԱՆ**

## Ընդաշրջանառության շղթան բացահայտվեց



7 գրամից ավելի մարիխուանա: Հետագա միջոցառումներով Նոր Նորքի քրեական հետախույզները փաստական տվյալներ ձեռք բերեցին, որ բերման ենթարկվածը թմրամիջոցի նմանվող զանգվածը 20 հազար դրամով ձեռք էր բերել մայրաքաղաքի 33-ամյա մի բնակչից: Նա եւս հայտնաբերվեց ու բերման ենթարկվեց բաժին: Նրա անձնական խուզարկությամբ հայտնաբերվեցին տասից ավելի մարիխուանայի նմանվող զանգվածներով փաթեթներ՝ ընդհանուր 65 գրամից ավելի քաշով:

Հետախուզական միջոցառումները շարունակվեցին: Արդյունքում նոր տեղեկություններ ստացվեցին, որ տղամարդու խուզարկությամբ հայտնաբերված մարիխուանայի փաթեթները, յուրաքանչյուրը 10 հազար դրամով, ձեռք է բերել դարձյալ երեւանաբնակ 33-ամյա մի տղամարդուց: Նա նույնպես հայտնաբերվեց ու բերման ենթարկվեց բաժին: Հարուցված քրեական գործի շրջանակներում խուզարկվեց նրա ավտոմեքենան: Հայտնաբերվեցին ընդհանուր 80 գրամից ավելի դեղնականաչավուն զանգվածներ եւ 5 գրամից ավելի բուսական զանգված:

Օպերատիվ-հետախուզական միջոցառումների եւ քննչական գործողությունների արդյունքում պարզվեց, որ բերման ենթարկվածը թմրամիջոցի նմանվող զանգվածները ձեռք է բերել Քանաքեռի 49-ամյա բնակչից: Դատարանի որոշմամբ խուզարկվեց նաեւ նրա տունը: Հայտնաբերվեցին կանեփի սերմերի նմանվող զանգված, շագանակագույն եւ կանաչավուն հետքերով տարաներ եւ մանրացված-չորացված յուրահատուկ հոտով, 4 գրամից ավելի քաշով զանգված:

Հարուցված քրեական գործի նախաքննությունը շարունակվում է: **Մ. Ս.**

## Կոռուպցիա մարզահամերգայինում

Ոստիկանության ԿԳՊ գլխավոր վարչության կոռուպցիայի եւ վնասակար գործունեության դեմ ուղղված հանցագործությունների հակազդման վարչությունում օպերատիվ տեղեկություններ են ստացվել, որ 2007-2012 թթ. Նոյեմբերյան քաղաքի մարզահամերգային նորոգման եւ շինարարական աշխատանքների ընթացքում թույլ են տրվել մի շարք չարաշահումներ:



Նյութերի նախապարաստման ընթացքում ոստիկանության ԿԳՊ գլխավոր վարչության, Տավուշի մարզային վարչության եւ Նոյեմբերյանի բաժնի ծառայողներն իրականացրել են օպերատիվ-հետախուզական միջոցառումներ: Արդյունքում փաստական տվյալներ են ձեռք բերվել, որ 2007-2012 թվականներին պե-

րական բյուջեի ֆինանսավորմամբ Նոյեմբերյանի մարզահամերգայինում երկու փուլով կատարված նորոգման եւ շինարարական աշխատանքների ընթացքում կապալառու կազմակերպության կողմից սահմանված կարգով չեն իրականացվել մարզադաշտի նախագծով սահմանված բազալտե խճի եւ ավազե ենթաշերտերը, ինչպես եւ դրանից բխող կապարողական ակտիվ սահմանված այլ շինարարական աշխատանքներ: Արդյունքում կապալառու կազմակերպության կողմից յուրացման միջոցով հափշտակվել է չորս միլիոն դրամ:

Վարուցվել է քրեական գործ: **Նարեկ ՄԱՐԳՍՅԱՆ**

«02»-ի օպերատիվ իրապարակումները վերջնական ճշմարտության հավակնություն չունեն, իսկ դեպքերը ներկայացվում են անմեղության կանխավարկածի եւ նախաքննության շահերի պահպանման տեսանկյունից: Վերջնական դատարանի օրինական ուժի մեջ մտած դատավճիռն է:



Օպերատիվ

### Հայտնաբերվել են հետախուզվողներ



Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հայտնաբերվել են հետախուզվողներ

Հանցագործություն ու հանցագործներ եղել են միշտ, բոլոր դարերում, բոլոր ժամանակներում: Հանցագործությունների կանխարգելման խնդիրն առաջացել է վաղ անցյալում: Չնայած անցյալում դրան այնքան էլ կարեւորություն չի տրվել, քանզի հնագույն ժամանակներում հանցագործության ելույթը լինում էր բացահայտվել, և հանցանք գործելն ընդունված էր համարել չար, դիվային ուժերի դրսեւորում: Ժամանակի հետ այդ տեսակետը բացառվեց և, ի վերջո, հաստատվեց, որ երեւոյթը ունի սոցիալական արմատներ: Հենց այս տեսությունն էլ հնարավորություն տվեց հասկանալու, որ յուրաքանչյուր հանցագործություն նախապատրաստության որոշակի փուլ ունի, և հանցավորության դեմ արդյունավետ պայքարի լավագույն միջոցը կանխարգելումն է:

## Հանցավորության կանխարգելում



Հանցավորության կանխարգելման անհրաժեշտության մասին հիշատակություններ կան վաղ ժամանակների փիլիսոփաների աշխատություններում: Կանխարգելման անհրաժեշտությունը են անգամ Պլատոնն ու Արիստոտելը: Այսպես, Պլատոնը հանցավորության հնարավոր կանխարգելման մասին խոսում է համաշխարհային ներդաշնակության և մարդու ներքին ներդաշնակության մասին տեսություններում՝ կարծիք հայտնելով, որ այդ ներդաշնակությունը խախտվում է հանցագործության փաստով: Հանցագործությունն, ընդ որում, դիտվում է հանցագործ հոգու հիվանդություն և պետության հիվանդություն, որը պետք է «բուժի» հենց պետությունը: Օրենքները պետության մեջ պետք է լինեն այնպիսին, որ հանցավոր մտքից հետ պահեն բոլոր նրանց, ովքեր կարող են հանցագործ դառնալ:

Արիստոտելն իր աշխատություններում որպես կանխարգելիչ միջոց նշում է հանցավորության հոգեկան հարկադրանքի կիրառման հնարավորության մասին: Որպես հոգեկան հարկադրանքի մե-

խանիզմներ հանդես են գալիս օրենքն ու պատժի սպառնալիքը:

Հնարավոր է, որ անտիկ մտածողների դատողությունները փոքր-ինչ «միամիտ» են, սակայն դրանք անկարելի է չզննահատել: Ավելին, սրանք կարելի է համարել կանխարգելման հարցի վերաբերյալ առաջին դատողություններ:

Դարեր շարունակ հանցավորության կանխարգելման խնդիրը մարդկության կողմից սուղացուցվում է տրվել, և առաջնային պահին է մղվել հանցավորության դեմ պայքարի ռեպրեսիվ մեթոդը, որը հատկապես դաժան բնույթ ստացավ Միջին դարերում: Դրա վառ օրինակն է 13-րդ դարում գործող «Սաքսոնյան հայելի» անունը ստացած քրեական օրենսդրությունը, որը կոչ էր անում «Գողին կախաղան հանել, կողոպտիչին, բռնաբարողին, անհավատարիմ ամուսիններին գլխատել, կախարդությունների կամ թուխավորումների հետ գործ ունեցողներին այրել խարույկի վրա»:

Հանցագործությունների կանխարգելման անհրաժեշտության խնդիրը կրկին օրակարգ մտավ Լորդալդոյն ժամանակներում: Անգլիացի մատերիալիստ Տոն Լոկի տեսությամբ՝ հանցագործությունների կանխարգելումը սերտորեն կապվում

է բարոյականության և դաստիարակության հետ:

Ըստ նրա՝ չարին կարելի է հաղթել միայն դաստիարակությունը ճիշտ կազմակերպելով: Այս տեսությունը զարգացրել են Լատե 18-րդ դարի ֆրանսիացի մտածողներ Հոլբախը, Վոլտերը, Ռուսոն և մյուսները: Նրանք հաստատում են այն գաղափարը, որ մարդը բնությունից չար չի ծնվում, այլ այդպիսին դառնում է սխալ դաստիարակության հետևանքով: Հիշատակենք Լատե 18-րդ դարի մեկ այլ խոշորագույն մտածողի՝ Շարլ Լուի Մոնտեսքյոյին, որն իր գործերում ավելի մեծ նշանակություն է տվել կանխարգելմանը:

Կանխարգելման խնդիրն առաջին անգամ առավել ընդգրկուն է գիտական մոտեցում է ցուցաբերել իտալացի նշանավոր լուսավորիչ և իրավաբան Չեզարե Բեկարիան: Իր հանրահայտ աշխատության մեջ նա փորձել է բնորոշել հանցավորությունը, փորձ է արել Լատե գնահատել պետության կողմից կիրառվող պատժի և կանխարգելման միջոցների համակարգերը, հետազոտել է պատժի նախապատմությունը և այլն: Խոսելով հանցագործությունների կանխարգելման մասին, շարունակելով Մոնտեսքյոյի միտքը, նա նշում է, որ ավելի ճիշտ է արդյունավետ է հանցագործությունները կանխարգելելը, և դրանում մեծ է լավ օրենսդրության նշանակությունը: Միեւնույն ժամանակ, առաջարկում է անձանց վերահսկելու գաղափարը, որը հանդես էր գալու որպես անձին հանցավոր նկրտումներից հետ պահելու միջոց:

Ըստ Բեկարիայի՝ պետությունն ու ընտանիքը պետք է դաստիարակության և վերահսկման գործում հանդես գան որպես մեկ միասնական համակարգ:

Հետագայում կանխարգելման գաղափարն իրենց աշխատություններում շոշափել են գիտնականներ Է. Կաբեն, Ա. Բեթլը, Է. Ֆերրին:

Ն. ԱՋԱԲԵԿՅԱՆ

## Կեղծ փաստաթղթեր՝ վարկ վերցնելու համար



Ոստիկանության ԿԳՊ գլխավոր վարչության 3-րդ վարչությունում օպերատիվ տվյալներ էին ստացվել, որ անհայտ անձինք վարկ վերցնելու նպատակով բանկեր են ներկայացնում ոստիկանության ծառայողի կեղծ վկայական ու

աշխատավարձի չափի վերաբերյալ կեղծ փաստաթղթեր:

Տեղեկությունների հիման վրա ձեռնարկված օպերատիվ-հետախուզական միջոցառումների արդյունքում պարզվեցին այդ անձանց ինքնությունը: Նրանք վերցվեցին ոստիկանների օպերատիվ տեսադաշտ: Փաստական տվյալներ ձեռք բերվեցին, որ տղամարդիկ կեղծ փաստաթղթերը պատրաստել են նախնական համաձայնությամբ՝ ֆինանսական գործարքներ կատարելու համար: Ոստիկանության ծառայողների տեղեկություններով նրանք հոկտեմբերի 11-ին Արաբկիր վարչական շրջանում պետք է հանդիպե-

ին՝ հերթական գործարքը կատարելու: Հանդիպեցին, բայց գործարքը չկատարվեց, բանի որ ոստիկանության ծառայողները նրանց բերման ենթարկեցին Արաբկիրի բաժին:

Հարուցված քրեական գործի շրջանակներում խուզարկվեց նրանցից մեկի վարած «BMW» մակնիշի ավտոմեքենան, որի սրահում հայտնաբերվեցին ոստիկանության ծառայողի կեղծ վկայական, աշխատավարձի մասին կեղծ փաստաթուղթ և այլն:

Հարուցվել է քրեական գործ: Հանգամանքները պարզվում են: Սարտուն ՍԻՄՈՆՅԱՆ

## Բռնվեցին թմրամիջոց պատրաստելիս

Ոստիկանությունը շարունակում է թմրանյութերի անօրինական շրջանառության և օգտագործման դեմ հետադարձ պայքարը: Օրերս հերթական դեպքը բացահայտեցին Գյումրիի ոստիկանները:

Հոկտեմբերի 1-ին ոստիկանության Մուշի և Կումայրիի բաժնի ծառայողները Գարեգին Նժդեհի փողոցի կիսաբանդ շինության մեջ ապօրինի թմրամիջոց պատրաստելու և օգտագործելու պահին հայրնաբերեցին Բորյան փողոցի 33-ամյա բնակիչին:



Շինության գննությամբ՝ ոստիկանները հայտնաբերեցին յուրաքանչյուր կողմից հեղուկով լի փարաներ, պիպուկներ

գրամամբ ապակե սրվակ, պիրավին գրամամբ դեղահարերի դարպակ ժապավեն, ներարկիչներ, որոնցից մեկում առկա էր 3,6 մլգ դեղնավուն հեղուկ, յոթի դարպակ սրվակ և թմրանյութի պարասպում համար անհրաժեշտ այլ պարագաներ:

Կասկածվողը հայտնել է, որ ներարկիչի մեջինը թմրանյութ է, ինքն է պարասպել. մի մասն օգտագործել է՝ մնացածը պահել հեղազայում ներարկվելու համար:

Նշանակվել է դատաքիմիական փորձաքննություն: Բնությունը շարունակվում է: Գուռ ՎԱՆՅԱՆ

«02»-ի օպերատիվ հրապարակումները վերջնական ճշմարտության հավակնություն չունեն, իսկ դեպքերը ներկայացվում են անմեղության կանխավարկածի և նախաքննության շահերի պահպանման տեսանկյունից: Վերջնական դատարանի օրինական ուժի մեջ մտած դատավճիռն է:

|   |  |  |                                    |                                  |                                       |  |                                     |   |   |
|---|--|--|------------------------------------|----------------------------------|---------------------------------------|--|-------------------------------------|---|---|
| Լիբիա                                   | «... քերթ»<br>հայթոյ միջատ               | «Սասուն»<br>գի Դավիթ»<br>Վճիռ            | Դեղծի<br>չիր                       |                                  | ... Վեգներ                            | Արագի-<br>ների ըն-<br>տանիքի<br>բռնուն | Արքիմեդի<br>հայրենի<br>քաղաքը       | ... Բլոխին                                      | Գետ, Ու-<br>սաստան                      |
| Հացագզի<br>բույս                        |  |  | Իբն Սինա                           |                                  | Փետրա-<br>ծեւ տե-<br>րեւներով<br>թուփ |  |                                     | Ալբանիա-<br>յի դրամ                             |   |
| «Ճառերը<br>կանգնած<br>են մահա-<br>նուն» |  |  |                                    |                                  |                                       |  |                                     | Որեւ<br>բանի<br>պահանջ<br>Հայկ. տատ             |   |
|   | Ամբողջի<br>հատված<br>Ոստ                 |  |                                    |                                  | ...<br>Խնկոյան                        |  |                                     | Վիտորիո<br>դե ...<br>Շրջիկ<br>նկարիչ            | ՀՀ Ֆուտ.<br>ակումբ<br>Փոխադ-<br>րամիջոց |
|   |  | «Վշ-<br>տոտ»<br>ժառ<br>Սեռ               |                                    |                                  |                                       |  |                                     |   |   |
|   | Ամուրի<br>վտակ                           | Աստղ,<br>Մեծ արջ<br>Լեռ բա-<br>նաստեղծ   |                                    |                                  | Իտալացի<br>գրող,<br>սցենա-<br>րիստ    | Ջոնոն ու-<br>սուցչա-<br>պետ            | Միրզ                                | Լուսան-<br>կարչ. սարք<br>Ֆրանսիա-<br>կո ...     |   |
|   |  |  | Աֆրիկյան<br>կենդանի<br>Շեփոր       |                                  |                                       |  | Նյուրի<br>փոքրա-<br>գույն<br>մասնիկ | Հավաքա-<br>րար                                  | Կենդանու<br>ձագ                         |
| Ժամանա-<br>կի միա-<br>վոր               | Ռուս<br>պարուհի<br>Անապատ,<br>Հար. Ամեր. |  |                                    |                                  | Կոշտ<br>գործվածք<br>Թռչնա-<br>խումբ   |  |                                     | Հայկ. աստ-<br>վածություն<br>Երկնոլոր-<br>տի կետ |   |
|   |  |  |                                    |                                  | Հողի<br>մշակում<br>Պատե-<br>րագմի ... |  |                                     | Թեալոր<br>մտույզ<br>Ֆրանս. ման-<br>րաբան        |   |
| Երաշխիք<br>Աղան                         |  |  | ճապոն.<br>քաղաք                    | Ֆա, սոլ<br>Ռոկոկո                |                                       |  | Ապակե,<br>մետաղե<br>տարա            |   | Անհոն<br>Երկու<br>բարձուն-<br>քի միջեւ  |
|   | Գիյոն ...                                |  |                                    | Բահրեյն                          |                                       |  | Ճկույթ<br>ՌԳ հե-<br>ռուստա-<br>ալիք | Մոլդավ.<br>ժող. պար                             |   |
|   |  | Բրուտա-<br>գործ.<br>նյութ<br>Արու ձի     | Ռուսիան                            |                                  |                                       |  | Լա<br>Սկալա                         | Թագոր,<br>վեպ<br>Դերանուն                       | Սափոր<br>Մակույկի<br>կողին              |
|   |  |  |                                    |                                  | Գրական<br>ժանր                        | Պատի<br>վառա-<br>րան                   |                                     |   | Բվեճ<br>Երգահան<br>եւ<br>քիմիկոս        |
| Գավառ,<br>Տուրուբե-<br>րան              |  |  |                                    | Սեմ,<br>Հաբեթ<br>...<br>Պուլչինի |                                       |  |                                     | Հրացան<br>Եզան վզի<br>փայտե<br>ձող              | Խորխո-<br>րատ                           |
|   |  | Գավառա-<br>պետ, իշխան<br>Էլեոնորա<br>... | ... Լուրբ-<br>րիչիդա               | Սրունքի<br>ոսկոր                 | Չորու-<br>բյուն                       |  |                                     |   |   |
| Ճաշատե-<br>սակ                          | Արթուր ...<br>Հեռախոս                    |  |                                    |                                  | Ավտոմեք.<br>մաս                       |  |                                     | ... Կոկտո<br>Կամարա-<br>ծեւ գիծ                 |   |
|   |  |  |                                    | Լվացքի<br>ներկա-<br>ցույթ        |                                       |  |                                     |   |   |
| ...<br>տաղանդ                           |  |  | Լատիշ<br>քանդա-<br>կագործ<br>Ռավել |                                  |                                       |  |                                     |   |   |
|   |  |  |                                    | Բարձրա-<br>գույն<br>նվաճում      | Ցեմենտ,<br>գաջ                        |  |                                     |   |   |



### Ուշադրություն

#### Հարգելի քաղաքացիներ

ՀՀ ոստիկանության պետական պահպանության գլխավոր վարչությունը երաշխավորում է ձեր բնակարանների եւ ամառանոցների անվտանգությունը, եթե դրանց պահպանությունը վստահեք ձեր բնակության վայրի պահպանության ստորաբաժանմանը:

Պահպանության համար գանձվելիք վարձավճարները անհամեմատ մատչելի են:

Մինչեւ 120թ/մ մակերես ունեցող բնակարանների, տների, ամառանոցների տեխնիկական միջոցների տեղադրման աշխատանքները կկատարվեն անվճար, իսկ պահպանության ամսական վարձավճարները կկազմեն 5000-15000 դրամ:

120 թ/մ-ից ավելի մակերես ունեցող տարածքների համար պահպանության ամսական վարձավճարները կկազմեն 10000-30000 դրամ:

Մանրամասների համար կարող եք զանգահարել 57-19-22 (Կենտրոն համայնք), 39-00-26 (Մալաթիա համայնք), 57-02-14 (Երեւան համայնք), 35-14-21 (Մաշտոց համայնք), 63-05-74 (Նոր Նորք համայնք), 44-21-23 (Շենգավիթ համայնք), 23-82-00 (Արաբկիր համայնք), 24-10-41 (Քանաքեռ-Զեյթուն համայնք):

**ՀՀ ՈՍՏԻԿԱՆՈՒԹՅԱՆ ՊԵՏԱԿԱՆ ՊԱՀՊԱՆՈՒԹՅԱՆ ԳԼՎԱԿՈՐ ՎԱՐՉՈՒԹՅՈՒՆ**

**Կ**սոյ - եթե ժամանակ չկորցնեք, կարող եք լուծում տալ կարելու հարցերի: Գործնական հանդիպումները վատ չեն անցնի:

**Յուլ** - Կկարողանաք լուծել ծառայած խնդիրները, հիմնական շաբաթ է նոր գործարքներ կնքելու համար:

**Իերկվորյակ** - Իրադարձություններով լեցուն շաբաթ է սպասում: Չի բացառվում, որ ստիպված լինեք զբաղվել ոչ հաճելի գործերով:

**Եստեգետին** - Պետք է զգույշ գործել: Խորհուրդ չի տրվում նոր գործ սկսել, պետք է վստահել սեփական ուժերին:

**Առյուծ** - Հիանալի շաբաթ է հանդիպումների, գործնական համաձայնությունների համար: Արագ լեզու կգտ-

### Մարտագիտական

25.10 - 31.10

է մոլորության մեջ գցել հակառակորդների:

**Աղեղնավոր** - Միգուցե չկարողանաք հասնել Ձեր նպատակներին, սակայն ցանկալի է պահպանել հանգստություն: Խուսափեք չնախատեսված ծախսերից:

**Այծեղջյուր** - Կկարողանաք ցույց տալ Ձեր իրական հնարավորությունները: Չի բացառվում հաջողություններ ունենալ գործնական ասպարեզում:

**Ջրհոս** - Խորհուրդ չի տրվում կարելու հանդիպումներ նշանակել: Կարող եք լուծում տալ անձնական խնդիրներին:

**Հուլիս** - Չեզ ավելի հանգիստ կզգաք: Չի բացառվում գործնական հարաբերությունները վերածվել անձնականի:

նք ղեկավարության հետ:

**Կույս** - Մասնագիտական տեսանկյունից այնքան էլ բարենպաստ շաբաթ չէ: Ազատ ժամանակը կարող եք անցկացնել կինոթատրոնում, համերգասրահում:

**Կշեռք** - Նպատակավորություն ու վճռականությունը թույլ կտան հասնել լուրջ հաջողությունների. դժվարությունները չեն խանգարի:

**Կարիծ** - Հաճախ այնպես չես վարվում, ինչպես սպասում են մտերիմները, ինչը կարող

### Փորձեք լուծել

Խնդիր N1

Սպիտակները սկսում են եւ հաղթում 2 քայլից

Խնդիր N2

Սպիտակները սկսում են եւ հաղթում 3 քայլից

**Նախորդ խնդիրների պատասխանները**

Պատրաստեց Նշան ԱՆԱՎԵՐԳՅԱՆԸ  
Շաշկու  
Հայաստանի չեմպիոն,  
IDF վարպետ,  
սպորտի վարպետ

**Նախորդ, համարի սկզբնավորողի պատասխանները**

|    |   |    |   |    |   |    |    |    |    |    |    |    |    |    |    |    |
|----|---|----|---|----|---|----|----|----|----|----|----|----|----|----|----|----|
| S  | U | Q  | Ֆ | S  | 4 | U  | W  |    |    |    |    |    |    |    |    |    |
| S  | Ր | Բ  | Գ | Ռ  | Ր | Ս  | Ե  | Ր  | Ա  | Տ  | Ն  | Ա  |    |    |    |    |
| Ա  | Ր | Ի  | Կ | Ա  | Ի | Տ  | Ի  | Կ  | Ա  | Կ  | Ա  | Չ  |    |    |    |    |
| Վ  | Ա | Ս  | Ի | Լ  | Շ | Ի  | Լ  | Ա  | Ա  | Ս  | Լ  | Ա  |    |    |    |    |
| Գ  | Ե | Լ  | Ո | Ն  | Կ | Ա  | Ս  | Ի  | Ն  | Ա  | Տ  |    |    |    |    |    |
| Ր  | Ր | Ղ  | Կ | Ա  | Ս | Ս  | Ս  | Ի  | Ր  | ՈՒ | ՈՒ |    |    |    |    |    |
| Ա  | Տ | Ո  | Կ | Ա  | Ր | Ի  | Ս  | Ր  | Ա  | Կ  | Յ  | Կ  | Ե  | Տ  |    |    |
| Ա  | Ի | Ա  | Ս | Ա  | Թ | Ո  | Ե  | Ք  | Ա  | Վ  | Ա  | Գ  | Ա  | Ն  | Ի  |    |
| ՈՒ | Ն | Կ  | Լ | Ո  | Ռ | Ե  | Ն  | Ս  | Կ  | Ր  | Ո  | Ն  | Ա  | Վ  | ՈՒ |    |
| Ո  | Ր | ՈՒ | Ս | Ե  | Լ | Ր  | Ա  | Շ  | Ն  | Ա  | Կ  | Ո  | Ա  | Ս  | Ո  |    |
| Ս  | Ա | Տ  | Ա | ՈՒ | Տ | Ե  | Տ  | Ա  | Գ  | Ա  | Տ  | Ո  | Լ  |    |    |    |
| Ս  | Ա | Վ  | Ա | Ն  | Չ | Ա  | Ն  | Ա  | Ր  | Ո  | Վ  | Լ  | Ե  | Ս  | Ա  | Ո  |
| Լ  | Ո | Ս  | Ց | Վ  | Ա | Չ  | Ա  | Ն  | Լ  | Գ  | Ո  | Կ  | Ա  | Ս  |    |    |
| Վ  | Ե | Ր  | Ա | Կ  | Ա | Տ  | ՈՒ | Ա  | Գ  | Ե  | Լ  | Ե  | Ս  | Վ  | Չ  |    |
| Ր  | Ղ | Ո  | Ւ | ՈՒ | Ր | ՈՒ | Ր  | ՈՒ | ՈՒ | ՈՒ | ՈՒ | ՈՒ | ՈՒ | ՈՒ | ՈՒ | ՈՒ |

Նշան ԱՆԱՎԵՐԳՅԱՆԸ  
Շաշկու  
Հայաստանի չեմպիոն,  
IDF վարպետ,  
սպորտի վարպետ

«02 շաբաթաթերթ» ՓԲԸ: Հասցեն՝ Նալբանդյան-130: Հեռ. 56-00-05, 54-81-52, 59-67-75 (հաշվապահություն): Համարի թողարկման պատասխանատու՝ Ն. Աբաբեկյան: Գրանցման վկայական՝ 27312002739: Տրվել է՝ 13.03.2000 թ.: Ծավալը՝ տպագրական 2 մամուլ: Ստորագրված է տպագրության՝ 24.10.2019 թ., ժ. 17.00-ին: Տպաքանակը՝ 6950: Համակարգչային շարվածքը՝ «02» շաբաթաթերթի: Տպագրվել է «Հեռակետ» ՓԲԸ տպարանում: Հղումը՝ «02»-ին պարտադիր է: Չպատվիրված նյութերը չեն գրախոսվում եւ չեն վերադարձվում: Խմբագրությունը հեղինակների հետ գրագրություն չի վարում: Գովազդի պատասխանատուն պատվիրատուն է: